

TE HENEURAA API

NENEIHIA I ROTO I TE PIHA NENEIRAA A TE EKALESIA A IESU MESIA I TE
FEIA MO'A I TE MAU MAHANA HOPEA NEI.
PAPEETE, TAHITI, I TE MAU AVA'E ATOA.

Te hoo: E 2 farane i te matahiti.

No. 4

Eperera 1936.

Mat. 30.

*Na te tahi ê oe e haamaitai, eiaha na to oe iho vaha; ei
taata ê â, eiaha to oe iho vaha. Maseli 27:2.*

Te Taviri no te Ite o te pae Faaroo.

O Te Bibilia, te Bibilia ana'e te faaroo o te porotetani'. Te reira parau ua papai faarahihia ia i nia i te hoê ahu paruai tei tamauhia i mua i te hoê fare pureraa i te oire ra o Glazcow, Baratane. E parau te reira na Samuel Chandler, te hoê taata haapii evanelia tei ora i te 17 no te tenetere: te faaite maira taua parau ra te ravea ta te porotetani e rave no te imiraa i te mau mea atoa no te Atua.

Te na ô atoa maira te Orometua porotetani ra o Thomas Campbell: *O ta te Parau Mo'a e parau ra, o ta matou ia e parau: e i te vahi e mamu ai te Parau Mo'a, e mamu atoa ia matou.* Area ra, ua noaa to raua ite no roto mai i te mau haapiiraa a Aututino peata, tei ora i te 4 o te tenetere, o tei parau e: *Eiaha roa e farii i te hoê mea, maori ra i nia i te mana o te Parau Mo'a, no te mea, inaha, e rahi a'e te reira*

Tahiti.

mana i te mau mana atoa o te Ite. Inaha, i roto i te mau tau i mairi a'enei, ua patuhia ĩa te faaroo cheresitano i nia iho i te parau e te mana no te tahi ě atu, eiaha rā i nia i te imiraa i te mau mea no te pae varua e te tamata atoa raa i te reira.

I te mau taata e rave rahi, ua riro te paari e te haapaoraa faaroo, na tavini o te parau mau, — te hoē no te tuuraa i te mau mea o te ao nei i raro a'e i te rima o te taata, te tahi ra no te faaauraa i te reira mau mea no te maitai o te taata— ei na mea au ore te tahi i te tahi, e i te tahi mau taime ei enemi. Eaha te mea tei faataa ě ia raua?

I roto i te mau tau i mairi a'enei ua haere noa te paari i mua no te faaotiraa i ta'na ohipa. Aita te mau arii no te tau tahito i ite i te mau mea nehenehe te vai nei i roto i te rima o te taata rii no teie tau. I te tahi pae, ua vai noa te faaroo i te vahi hoē, ua auahia ĩa i te mau mana'o e te mau ture mai tei faaitēhia i mua nei, e aita oia i tupu ia au to'na faito i te mau mea i titauhia e te hoē tau apĭ. Ua vai noa oia i te vahi hoē e aita hoi e maereraa i reira!

Eaha ĩa te huru o te ite o te taata nei ahiri ua parau a Galilée e: "Te parau a Aristote, o te parau ana'e a Aristote te tumu no te ite o te taata nei". Ahiri o Pasteur i parau: "O tei parauhia e tei na mua ia'u, o ta'u ĩa e parau; e i te vahi te mamu ra ratou, e mamu atoa ĩa vau", te vai maua noa ra ĩa te mau taote no nia i te mau tumu o te mau ma'i, e te haere noa ra ĩa te mau huru ma'i pee e te mau ino na nia i te fenua mai i te matamua.

Ahiri o Edison, Swan e o Marconi i parau atoa: "Eita e tiana i farii i te mau mea atoa, maori ra i te mana o tei na mua ia matou," te hohe noa ra ĩa te mata o te mau taata i te maramarama o te mau lamēpa tahito, e te mau tereraa i tera vahi e i tera vahi, te taupupu noa ra ĩa. I te taime i faa-

ea'i
hito
e ua
na t
e ua
mata
U
hoē
no i
mait
ra m
fare
ekal
Inah
ra ta
mar
U
uiras
te ta
taua
rator
mau
mair
mau
oia i
ra, r
M
tama
ua in
oia l
ua m
ite n

ea'i te mau feia paari i te imi i te ite i roto i te mau buka ta-
hito e ua fariu i nia i te vahi imihia, ua mahiti ia te uputa
e ua haere ratou i mua. I te mahana i faataa ê ai te ite i to-
na tiaraa i to te mau haapiiraa a te mau feia i pohe a'enei,
e ua tuu i te reira i nia i te imiraa e te tamataraa, ua haa-
mata oia i te haere i mua e te faaoti te vahi i opuahia.

Ua tae mai te peropheta ra o Iosepha Semita i roto i te
hoê ao huru ê, oia hoi, ua fatata te paari o te ao nei i te mo-
no i te faaroo i roto i te mafatu o te feia haere i mua. E ta-
maiti apî oia tei imi atoa i te parau mau, e ua imi oia i te rei-
ra mai te mau taata'toa i pihaiho ia'na tei imi i te reira. Ua
farerei oia i te mau orometua e ua ui ia ratou: *Tei hea te
ekalesia tei ia'na te parau mau?* Ua pahono mai te vetahi:
Inaha, tei onei te Mesia! Te tahi ra, *Teie, tei onei!* Aita'tu-
ra taua tamaiti apî, 14 to'na matahiti, i hau atu i te mara-
marama i te matamua ra.

Ua rave oia i te Bibilia ia noaa ia'na te pahonoraa i ta'na
uiraa, area ra ua rahi roa te mea i roto i te Bibilia i ore ai
te tauturu i noaa i te hoê tamaiti apî mai ia'na. E inaha, o
taua Bibilia nei hoi ta te mau orometua e rave nei i roto i ta
ratou mau marôraa. Eita to'na mana'o apî e mauruuru i te
mau mea te noaa mai i te mau parau papai ana'e, ua horoa
maira te reira i te ravea no te faaotiraa i taua ohipa ra — te
mau parau a Iakobo: *Te ere ra râ te hoê o outou i ite, e ani
oia i te Atua ra, o tei horoa hua mai i te maitai i te taata atoa
ra, ma te patoi ore...*

Ma te hoê uru raau nehenehe ei piha, te aau mâ o te hoê
tamarii e te faaroo o te apîraa ei faufaa e te pure ei ravea,
ua imi o Iosepha Semita i te parau mau i to'na tumu mau,
oia hoi, te Atua parau mau. Te vai nei te papuraa ia tatou,
ua manuia oia i roto i ta'na imiraa na roto i ta'na parau faa-
ite no ta'na tamataraa: *Ua papu roa to'u mana'o no nia i te*

mau haapaoraa atoa; e ua tamata atoa vau i te parau mau no te faaiteraa a Iakobo.

O te fâraa hanahana mai o te Metua e te Tamaiti, i muri a'e i te aniraa haehaa a te tamaiti peropheta, tei riro ei niu no te haapiiraa a te Feia Mo'a no te mau Mahana hopea nei no nia i te pae faaroo. E tia ia imi e ia itea te Atua, e tia ia noaa mai te parau faaite papu e te ora no To'na oraraa e e Atua mau o Iesu Mesia, o te fafau ta te haapaoraa Momoni e horoa nei i te mau taata atoa tei hinaaro i te imi.

A imi i te mau Parau Mo'a, no te mea, iuaha, ua papaihia e: *Te mana'o nei outou e, e roaa te ora mure ore ia outou na roto i te reira.* Eiaha ra ia moe ia outou te faaite a Petro mai tei papaihia i roto i te piti o ta'na episetole, noa'tu e ua ite oia i to'na Fatu i te faahuru-ê-raa-hia ma te hanahana rahi i mua i to'na mata, ua ite e ana oia ma te papu e, e Atua mau oia — na roto i te varua tohu tei vai i roto ia'na. E mea maitai ia ite i te mau mea no te Atua, area e mea hau roa'tu ia ite i to ratou mo'araa e to ratou tumu i vai ai ma te auene ore, te papu te mana'o e te ore roa e tapitapi i te mau mârô. Tauga papuraa ra o te mana'o, taua faaite no te ra'i mai, no ô mai ia te reira i te Atua ra, area ra, o te tufaa ia te reira na te mau taata atoa i raro nei.

Ia hinaaro te hoê taata i te faarave i to'na hinaaro, e ite ia oia e, no ô mai anei i te Atua ra ta'u haapiiraa. Te haapaoraa Cheresitiano mau, e haapaoraa ora ia e te itoitoe e te papu hoi: E haapaoraa tamataraa i te mau mea no te pae varua. O tei hinaaro i te ite i to'na mo'a e te parau mau, tei hinaaro i te haapii i to'na mau parau tumu e te haapao i tana mau faaueraa e ia pure ia noaa mai te reira *parau tohu papu roa*, e farii ia oia te faaite te horoa mai i te hau e te mahoru no te oraraa atoa e tei faatere i te mau tutavaraa o te taata nei. O te reira huru raveraa, o te taviri ia no te ite no te pae faaroo. O te zugo ia o te pororaa oaoa a te haapaoraa MOMONI i te hoê ao tei peapea e tei fiu i te imi.

Papaihia e Richard S. BÉNNETT

TE HANAHANA O TE ATUA O TE ITE IA.

E tuatiraa teie nei parau.

E maramarama te mau parau mau atoa.

Ua parau atoahia i roto i te heheuraa, no ô mai i te Atua ra te maramarama e te parau mau, e ua i teie nei ao ia raua. Ua parau atoahia te reira te maramarama o te Mesia. B. F. 88:7. O te maramarama ia o te mau fetia, no te mahana e to teie nei fenua e te marama, e te mana i hamanihia'i ratou. No mua mai oia i te aro o te Atua no te fau'iraa i te mau ra'i, o te maramarama ia i roto i te mau mea atoa e tei horoa i te ora i te mau mea atoa, mai tei faauehia e to tatou metua i nia i te mau ra'i ra. B. F. 58:7-13. Ahiri aita te maramarama o te parau mau tei parau atoahia te **Ite**, e a ore ra tei horoa i te ora e te maramarama, eita roa ia te hoê mea e ora. Ua haamaitahia te mau taata atoa tei fanauhia i te ao nei i te maramarama e te parau mau, mai te au i te papairaa mo'a. *E parau mau hoi te parau a te Fatu*, e o te parau mau ra, e maramarama ia, e o te maramarama ra e Varua ia, oia hoi te Varua a Iesu Mesia, e ua haamaramarama mai hoi te Varua i te taata atoa o te tae mai i te ao nei, e ua haamaramarama hoi te Varua i te taata atoa na roto i te ao nei, o tei faaroo mai i te reo no te Varua; e o ratou atoa o tei faaroo i te reo no te Varua ra, e haere tia ia i te Atua ra, oia hoi i te Metua ra. B. F. 84:45-47.

No te aha i na reira'i? No te mea e faarue te **Ite**, e a ore ra te maramarama o te parau mau i te ino.

E tia i te mau taata atoa ia ite i te parau mau.

Aita te Fatu i faarue ia tatou ia perehahu noa i roto i te pōiri, horoa râ Oia i te taata atoa tei fanauhia ma te hoê va-

rua ite, te mana ia faataa te maitai i te ino, te parau mau no te haavare, na roto i te mana o te Ite, te maramarama o te parau mau, a ore ra te maramarama o te Mesia, tei fanau hia e oia atoa. Area ia faaatea te taata ia'na iho i te parau mau, e faarue ia te mana o te ite ia'na, e no reira eita oia e haere i te Atua ra.

Ua parau te Faaora: *O Vau te maramarama mau tei haamaramarama i te mau taata atoa tei haere mai i roto i te ao nei.* E tia i te taata tei hinaaro i te tamau noa i roto i te maramarama e te parau mau ia ite i te parau mau te faatiamâ ia'na. *E taati te ite i te ite, e farii te paari i te paari, e tauahi te parau mau i te parau mau, e here te parau-tia i te parau tia e e taati te maramarama i te maramarama...* No reira, te taata tei ia'na te Ite mau, e haere oia i te Atua ra e e ora oia, no te mea eita e tia ia amui te Ite e te ino.

Ua faaite papu te Peretiteni ra o Iosepha F. Semita, i roto i te hoê a'oraa, i roto i te fare pureraa no Ogden i te matahiti 1913. Ua na ô mai oia:

Ua roaa mai i te Mesia te ite o to'na Metua. Tei vai ra te area i rotopu i te ite mau e te maramarama. Te vai ra to Satane maramarama, ua hau atu i to tatou nei, aita râ to'na e ite, ahiri i vai ra e faaroo ia oia i te mau haapiiraa tumu o te parau mau e te tia. Ua ite au i te tahi mau taata tei ia ratou te maramarama, tei papu ia ratou te mau parau tumu no te evanelia mai ia outou atoa hoi area ra ua ore ia ratou te mea maitai no te ite mau. *Aita te maramarama ana'e i roto i te Ite mau, te mana atoa ra ia faarave maitai ia'na i te ohipa.*

Papaihia e Marcel Bonnet.



Te Paturaa e te Tomoraa i te Fare Pureraa i**VAHITAHÍ**

UA HAAMATAHIA te haaputuputuraa i te mau ohipa no te paturaa o te niu i te 4 no Titema 1935 e ua oti roa te niu i te 8; ua haamata te hamaniraa o te fare i te 10 e te 11. Ua rave noahia te ohipa no te fare, mai te hamaniraa i te mau haamaramarama, te parairaa i te peni e te hamaniraa i te fare oe.

Ua faaoti roa hia te mau ohipa no te fare pureraa i te 14 no Tenuare 1936; te rahiraa o te mau mahana i pau no te paturaa e te hamaniraa i te fare pureraa, e 31 ia mahana; e ua tomohia te reira i te 19 no Tenuare 1936.

Te tomoraa i te Fare pureraa.

Ua haamatahia i te hora 9 i te poipoi i te 19 no Tenuare 1936. Na Evereta Orometua i faatere e na'na iho i aratai; ua haamatahia na roto i te himene n° 135 tei arataihia e Vahua a Fareata; na Evereta te pure matamua; te piti o te himene o te n° 99 tei arataihia e Vahua o Fareata.

Na Iosepha Orometua te a'oraa matamua. Parau tumu te Buka Fafau 88:119-120.

Ua tuuhia te taime i te mau Taeae e te mau Tuahine e ua faaite mai ratou i to ratou mau mana'o mauruuru no te hamaniraahia e te oti roa raa o taua fare pureraa ra e no te mau haamaitairaa a te Atua tei vai i nia ia ratou.

Ua faaite mai o Evereta, i te mau taeae e te mau tuahine, i to'na mana'o ei faaitoitoraa i te Amuiraa. Ua faaite atoa mai oia e, e baptizoraa tei te hora piti e i te hora 3 te pure-raa oro'a. Ua tai'ohia e 22 taata tei tae mai i te tomnraa o taua fare pureraa ra.

I te hora 11 ua tairuru ana'e mai te mau taeae e te mau tuahine i nia i te taupee fare o Vahua a Fareata e ua faa-

au no
a o te
fanau
parau
oia e

i haa-
i te ao

te ma-
atiamâ

e taua-
parau

reira,
e ora

a, i ro-
te ma-

u ra te
i ra to

â to'na
tumu o

i ia ra-
amu no

atou te
e i roto

ohipa.
Bonnet.

nahonaho ihora no te tamaaraa. Ua faataehia'tu te mau parau aniraa i te Tavana e to'na Apooraa ia haere mai i taua amuraa maa ra, e na Peretiteni no te na Taiete Niu Mataipua e Iosepha; ua otohe ana'ei hora ratou atoa, e aita te hoê o ratou i tae mai no taua aniraa ra.

Te tumu no taua otohe raa ra teie ia, ua opanihia ratou e te Perepitero, eiaha roa ratou ia haere mai i te tomoraa i taua fare ra e eiaha atoa ratou ia haere mai i te tamaaraa, o te faaroo ratou i te tahi mau haapiiraa a te Ekalesia e o te maramama to ratou aau, e o te hi'o to ratou mata e o te faafariuhia ratou i te parau man, o te ora ratou i roto i te Basileia o te Atua ra.

I te hora 7 i te ahiahi, ua tairuru ana'e mai ratou atoa no te haapiiraa. Te haapiiraa i faaterehia i taua ahiahi ra o te parau ia no te Feia i Maitihia e na Teaopekeiragi i faatere, e ia oti ua tuuhia te tahi mau tapao ei tuatiraa. Ua vai atoa te hoê pūpū guitare e te pūpū himene tarava, e ua au roa ia e ua tupu te anaanatae rahi i taua arui ra.

Ia oti te haapiiraa e inuraa cocoa to muri iho e ua oti te mau ohipa atoa i te hora 10 e ua haere ana'e atu ratou i to ratou mau utuafare ma te anaanatae.

Teie te i'oa o te mau taata tei tauturu no te hamaniraa i taua fare pureraa ra: Punua a Temauri e to'na utuafare; Teuira a Marunui; Vahua a Fareata; Tehej a Papati; Tearoa a Fareata; Teaopekeiragi a Mariteragi; Vahua a Fareata (Tepoheiva); Numaga a Teuira; Punua a Temauri (*sanito*); Maru a Temauri (*sanito*); Tarohia a Temauri (*sanito*); Tetapuahi a Taurere (*sanito*); Hina a Tuhiragi (*katorika*); Teata a Teagi (*katorika*); Teuru a Tuhani (*katorika*).

E
i nia
ta at
No
ohipa
naar

E

Ia m
Ia m
Ia v
Ia fa

E riro teie nei fare ei haamana'oraa no te ohipa a te Atua i nia i teie nei fenua, e e vai ia i roto i te aau o te mau taata atoa ra.

No reira a haamaitai tatou i te Atua ia haamaitaia ta'na ohipa i te fenua nei e ia tia i te taata ia haapao i to'na hinaaro i te ao nei.

Papaia e Teapekeiragi a Mariteragi.

E Himene no te Pupu Primary No Takarua.

E himene teie na te pūpū Primary no te Amaa i Takarua.

Irava 1.

Ia hi'o vau i te Fatu

Tei pūpū hia no'u,

Ia hi'o vau i tei pohe

Te toto i te tahe raa.

Faaho'iraa:

E tupu mai ai te oto.

te oto.

I te Fatu tei pohe no'u.

e no'u.

E tupu mai ai te oto.

te oto.

I tei pohe no tatou nei.

Irava 2.

Ia mā tau mau hara nei,

Ia mou tau mau ino nei,

Ia vī tau mau enemi,

Ia faaorahia vau.

Irava 3.

Ia haavāhia e Pilato

Ua ruurui hia i te pou

Tairi hia mai te puai

Patia hia i te mahae.

ПАПАИХІА Е ТРАПЕ А МАІРЕ

Te Ekalesia a Iesu Mesia I Faatiahia i te Tau Hopea Nei.

I TE matahiti 1829 ua tae maira o Petero, Iakobo e Ioane, na Aposetolo tahito, no te ra' i mai e ua faatoroa maira ia Iosepha Semita raua o Olive Taudere i te autahu'araa o Melehizedeka e ei tau Aposetolo na Iesu Mesia, mai tei faaitehia i roto i te B. F. 27:12. B. F. S. 26:3.

O te haamataraa teie o te Basileia o te Atua i te fenua nei e tae noa'tu i te 6 no Eperera 1830, o te taima te reira i tamauhia'i i nia iho i te ao nei, mai tei faaitehia i roto i te Daniela 2:44. E i muri mai ua faatiahia na pūpū e toru no te haa paari i taua Ekalesia nei. A tae ra i te taima a pohe ai Iosepha Semita, te upoo no te Ekalesia Momoni, ua paari te mau vahi atoa o teie nei Ekalesia, aita e nehenehe ia parari te vai ra te pūpū Aposetolo e to ratou Peretiteni o Birigama Youne, ei faatere ia ratou. Ahiri te mau Aposetolo i mou, te vai ra te pūpū Hitu Ahuru ei faatere, no reira eita e parari, ua patuhia i nia i te pāpā.

Teie ra, te mau taata o tei hurihia i rapae i teie nei Ekalesia, aita ratou i tatarahapa; te faaite nei te Peropheta, no te mau taata i taiva: "I te mahana i tomo atu ai te taata tei ia'na te Autahu'araa i roto i te Ekalesia i faatiahia e Iosepha Metua, i roto i te hoê noa'tu amaa Ekalesia i amaha, ua ere roa ia oia i te Autahu'araa i reira, nohea mai ia te piti e te toru."

A feruri na tatou i taua vahi ra, aita matou e huna na i te parau mau no te mea, o te ora ia o te taata, aita hoi matou e tapea i te maa e te pape i te taata tei hinaaro i te ora.

A feruri mai i te tumu parau no te faahoturaa i te mau maitai.

Fapahia e TEMURIAROA a KURATAHI.

TE MAU PARAU API

E tamarîi nainai mau.

I te 8 no Fepuare i mairi a'enei ua fanau te vahine ra o Relia Crookston i te fare mai a te Ekalesia, i Roto Miti, i te hoê aiunainai mau. Teie to'na mau faito, hoê avae i te roa e e piti paunu i te teiaha; noa'tura i to'na nainai e mea itoitio oia. Ua tunhia oia i roto i te hoê umu no te tamahanahanaraa ia'na e e faaamuhia oia na roto i te hoê uaua te haere roa i roto i to'na vairaa maa. O te piti teie o te tamarîi nainai mai tera tei fanau i roto i taua fare mai ra i roto i na matahiti e ono i mairi a'enei.

Aita roa i manuia.

I te 17 no Fepuare i mairi a'enei, ua tamatahia te haponô e 6.000 rata, mai te oire ra o Greenwood Lake i te oire ra o Hewitt, Amerika, na nia i te hoê pahi reva apî tei faaterehia e te paura. Aita roa ra i manuia, no te mea ua topa taua pahi reva ra i na ahuru avae te atea i te vahi i reva'tu ai oia ra.

Ua maitihia.

I roto i te hoê ve'a no te 18 no Fepuare i mairi a'enei, ua maitihia e te Hau Amerika, to tatou taeae i te faaroo, o J. Reubena TARATI, te tauturu hoê no te Peretiteniraa no te Ekalesia, ei taata mono i te Hau Amerika i roto i te hoê tomite no te apoora o te mau Hau, te faatupuhia no te faaafaroraa i te mau tarahu i rotopu i te mau Hau.

Ua maitihia oia no taua ohipa ra no to'na aravihi e to'na ite papu i taua ohipa ra.

Ua haamauruuruhia e te Oire.

I te 18 no Fepuare i mairi a'enei, ua farii te taata ra o Herman Simon i te moni ra e pae tara ei tapao no te mauruuru o te feia faatere no te oire ra o Roto Miti no to'na parau-tia.

Teie te tumu i haamauruuhia'i: i te hoê mahana hiona rahi ua moe i te tahi pereoo truck no te oire, na uaua e piti tei tae to raua hoo i te 80 tara. Ua iteahia te reira na uaua e taua taata ra tei tuu, i roto i te mau ve'a, te parau faaite ia iteahia ia'na e, o vai te fatu o taua na uaua ra.

E Tanuraa moni rahi mau.

Te faaitehia nei, i roto i te mau ve'a no Lonedona, Baratane, ua pau e 125.000 tara moni marite, oia hoi e toru hanere e hitu ahuru ma pae tara moni farani, i te aufauhia, e te Hau, no te tanuraa o te Arii ra o Tihoti V tei pōhe a'enei. Ua aufau atoahia e 35.000 tara moni marite, oia hoi e hoê hanere e e pae tauatini tara moni farani, no te fariiraa i te mau manihini hui arii tei tae mai no taua tanuraa ra.

Ua itea faahou hia.

Ua maere te mau taata rave ohipa i to ratou iteraa i te hoê pereoo nira a ope ai ratou i te hiona i nia i te purumu te haere atu i te oire ra o Canastota, Amerika. Ua faahorohia taua pereoo ra e William Stockle na roto i te hiona e tae noa'tu na mau oia i reira. Ua vaiiho oia i te pereoo e ua haere oia i te oire e ti'i i te puaahorofenua no te tavere i te pereoo, e i to'na ho'iraa mai aita oia i ite faahou i te reira; mana'o ihora oia e, ua eia-hia, no reira haere atura oia i te fare. Aita hoi to'na pereoo i eiahia, ua tapoi noa hia ra e te hiona,

Ua orure te oovi i te hau.

I te oire ra o Isagea, Rumania, i te 19 no Fepuare i mairi a'enei, ua tupu te hoê peapea rahi, oia hoi, ua titauhia te mau mutoi atoa no taua vahi ra no te haere e faaho'i te mau oovi i to ratou vahi. No te ino o ta ratou maa ua orure te mau oovi i te faatereraa i to ratou vahi, e ua haere ratou i roto i taua oire ra: no te mātā'u o te mau taata, ua faarue ratou i to ratou mau utuafare e ua horo ê atu ratou. I te hopea ra, ua manuia te mau mutoi e ua faaho'i ratou i te mau oovi i to ratou vahi e ua ho'i mai te mau taata e rapaau i to ratou mau fare hou a parahi ai i roto.

Louis Drollet Gérant

Le Roy Mallory Imprimeur.

Rue Dumont d'Urville, Orovini, Papeete, Tahiti.

N

taata
parau
Fatu.

Te ho
taua
Ta ra
vaai
Te
taura

nauna
mau
amu
amu